

სსიპ „ტექნოლოგიური განვითარების ფონდი“



სსიპ „ტექნოლოგიური განვითარების ფონდი“-ს ბალანსზე არსებული
ავტომანქანების რეცხვის მომსახურების სახელმწიფო შესყიდვა
ერთეტაპიანი გამარტივებული ელექტრონული ტენდერი

CPV-50112300

სატენდერო დოკუმენტაცია

ქ. თბილისი

2015 წელი

სარჩევი

1. ინსტრუქცია ტენდერში მონაწილეთათვის
2. ტექნიკური დავალება
3. სახელმწიფო შესყიდვის შესახებ ხელშეკრულების პროექტი
4. დამატებითი ინფორმაცია
5. დანართი N1 - პრეტენდენტის შეთავაზება
6. დანართი N2 - ფასების ცხრილი
7. დანართი N3 - ექსპლუატაციაში მყოფი ავტოსამრეცხაოების მისამართების ჩამონათვალი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ები)ა.

1.6 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7 პრედენდენტს არა აქვს უფლება წარმოადგინოს ალტერნატიული წინადადება.

2. ტექნიკური დავალება

2.1 სატენდერო წინადადების ფასი:

2.1.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.1.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

2.2 ანგარიშსწორების პირობები:

2.2.1 ანგარიშსწორება მოხდება უნაღდო ანგარიშსწორებით ლარში.

2.2.2 ანგარიშსწორება მოხდება, რეცხვის ტალონების მიწოდებისა და მიღება-ჩაბარების აქტის გაფორმებიდან არაუგვიანეს 20 კალენდარული დღის განმავლობაში.

2.3 შესყიდვის ობიექტის ტექნიკური პირობები:

2.3.1 შესყიდვის ობიექტია ავტომობილების რეცხვის მომსახურება.

2.3.2 ტენდერში მონაწილეობისა და შესყიდვის ობიექტის აუცილებელი პირობები:

- მიმწოდებელმა უნდა უზრუნველყოს სსიპ „ტექნოლოგიური განვითარების ფონდის“ ბალანსზე არსებული მსუბუქი ავტომანქანების და ჯიპის (მაღალი გამავლობის) ტიპის ავტომანქანების რეცხვის მომსახურება (შესაბამისი მომსახურების დამადასტურებელი რეცხვითი ტალონების მეშვეობით) ეტაპობრივად, შემსყიდველის მოთხოვნის შესაბამისად;

- მომსახურება განხორციელებული უნდა იქნას დანართი №2-ში მითითებული რაოდენობების მიხედვით.

- მომსახურება უნდა განხორციელდეს ტალონური სისტემით.

- მიმწოდებელმა უნდა უზრუნველყოს ზემოაღნიშნული მანქანების ხელით რეცხვა სპეციალური მოწყობილობების, ინვენტარისა და სარეცხი საშუალებების გამოყენებით. როგორც გარეგანი, ასევე შიდა (სალონის, საბარგული) რეცხვა.

- რეცხვისთვის გამოყენებულ უნდა იქნეს მაღალი ხარისხის სარეცხი და საწმენდი საშუალებები.

- მომსახურების გაწევის დროს მიმწოდებლის ბრალეულობით შემსყიდველის ავტომობილზე მიყენებული ნებისმიერი ზარალის აღმოფხვრის ხარჯების ანაზღაურება ეკისრება მიმწოდებელს.

- მიმწოდებელს საკუთრებაში (რის დასადასტურებლად უნდა წარმოადგინოს ა/სამრეცხაოების მისამართები და შესაბამისი საკადასტრო კოდები) უნდა გააჩნდეს არანაკლებ 5 (ხუთი) ერთეული ავტოსამრეცხაო სადგური ქ. თბილისში.

- ტალონების მიწოდება უნდა განხორციელდეს შემსყიდველის მოთხოვნიდან არაუგვიანეს 2 (ორი) სამუშაო დღისა, მისამართზე ქ.თბილისი, კოსტავას 33 ა მე-5 სართული, ხოლო რეცხვითი მომსახურების მიწოდება უნდა განხორციელდეს ავტოსამრეცხაო სადგურზე ტალონის წარდგენისთანავე.

- შემსყიდველის მოთხოვნის შემთხვევაში მიმწოდებელმა უნდა უზრუნველყოს სატელეფონო კონტაქტის საშუალებით შემსყიდველისათვის ინფორმაციის მიწოდება თავისუფალი სამრეცხაო ბოქსის შესახებ, რათა არ მოხდეს შემსყიდველის მანქანის დაყოვნება ადგილზე მისვლისას არაუმეტეს 10 წუთისა.

შენიშვნა:

- შემოთავაზებული ფასები უნდა მოიცავდეს მომსახურების სრულყოფილად გაწევასთან დაკავშირებულ ყველა ხარჯს და კანონმდებლობით გათვალისწინებულ გადასახადებს.

2.4 მომსახურების გაწევის ვადა და ადგილი:

2.4.1 მომსახურების გაწევის პერიოდი – ხელშეკრულების დადებიდან 2015 წლის 31 დეკემბრის ჩათვლით.

2.4.2 დანართი №3-ში მოცემული ადგილი, რომელიც წარმოდგენილი იქნება პრეტენდენტის მიერ.

2.5 პრეტენდენტის მიერ ერთიან ელექტრონულ სისტემაში ასატვირთი მონაცემები:

ა) რეკვიზიტები დანართი №1-ის მიხედვით.

ბ) ფასების ცხრილი დანართი №2-ის მიხედვით.

გ) მიმწოდებლის ექსპლუატაციაში მყოფი ავტოსამრეცხაოების მისამართები და საკადასტრო კოდები დანართი №3-ის მიხედვით.

დამატებითი ინფორმაცია:

4. დამატებითი ინფორმაცია:

სატენდერო დოკუმენტაციასთან დაკავშირებული განმარტების ან/და დაზუსტების მიღება პრეტენდენტს შეუძლია შემდეგ მისამართზე: ქ. თბილისი კოსტავას 33ა. მე-5 სართული. ს.ს.ი.პ. „ტექნოლოგიური განვითარების ფონდი“ საკონტაქტო პირი: აკაკი ორბელაძე 595 20 50 80.

ხელშეკრულება სახელმწიფო შესყიდვის შესახებ №

ქ. თბილისი

2015 წ.

ხელშეკრულების დადების საფუძველია სსიპ „ტექნოლოგიური განვითარების ფონდის მიერ ჩატარებული გამარტივებული ელექტრონული ტენდერი №**1. ხელშეკრულების დამდები მხარეები**

ერთი მხრივ, სსიპ „ტექნოლოგიური განვითარების ფონდი“, შემდგომში „შემსყიდველი“, წარმოდგენილი ფონდის უფროსის მოვალეობის შემსრულებელი კახაბერ გვანცელაძის სახით და მეორეს მხრივ _____, (შემდგომში „მიმწოდებელი“) წარმოდგენილი მისი დირექტორის _____ სახით, (მისამართი: _____), სახელმწიფო შესყიდვების შესახებ კანონის და პრეტენდენტის (მისი დასახელება) სატენდერო წინადადების საფუძველზე, ერთეულებიანი გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულების საგანი და კლასიფიკატორის კოდი

2.1 სსიპ „ტექნოლოგიური განვითარების ფონდი“-ს ბალანსზე არსებული ავტომატური რეცხვის მომსახურების სახელმწიფო შესყიდვა. გასაწევი მომსახურების რაოდენობა და ერთეულის ფასი მოცემულია ხელშეკრულების დანართი #1-ში (ფასების ცხრილი), რომელიც წარმოადგენს ხელშეკრულების განუყოფელ ნაწილს.

2.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულებით გათვალისწინებული პირობების დაცვით.

2.3 მიმწოდებელი იღებს ვალდებულებას მომსახურების მიწოდება განახორციელოს ჯეროვნად, სატენდერო დოკუმენტაციის, სატენდერო წინადადებისა და წინამდებარე ხელშეკრულების პირობების შესაბამისად.

2.4 CPV კოდი: 50112300

3. ხელშეკრულების ღირებულება

3.1 ხელშეკრულების საერთო ღირებულება შეადგენს ----- (-----) ლარს.

3.2 მომსახურების ფასი და ხელშეკრულების ღირებულება შეიცავს მიმწოდებლის ყველა ხარჯებს რაც დაკავშირებულია მომსახურების გაწევასთან, მათ შორის საქართველოში მოქმედი კანონმდებლობით დადგენილ ყველა გადასახადს.

4. შესყიდვის ობიექტის ხარისხი და გარანტია

4.1 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით და სატენდერო დოკუმენტაციით გათვალისწინებულ პირობებს და დააკმაყოფილებს შემსყიდველის მოთხოვნებს.

4.2 შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

5. მიწოდების წესი

5.1 მომსახურების გაწევის პერიოდი – ხელშეკრულების გაფორმებიდან 2015 წლის 31 დეკემბრის ჩათვლით.

6. შესყიდვის ობიექტის მიღება-ჩაბარების წესი

6.1 მომსახურება ან მისი ნაწილი ჩაითვლება მიღებულად, მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

6.2 მიღება-ჩაბარების აქტის დამოწმებაზე უფლებამოსილი პირია სსიპ „ტექნოლოგიური განვითარების ფონდი“-ს ადმინისტრაციული სამსახურის უფროსი/გირჩი გაბიძაშვილი.

7. ანგარიშსწორების ფორმა და გრაფიკი (ვადები)

7.1 ანგარიშსწორების ფორმა იქნება უნაღდო. ლარებში

7.2 ანგარიშსწორება მიმწოდებელთან განხორციელდება ეტაპობრივად, ფაქტიურად მოწოდებული ტალონების მიხედვით.

7.3 ანგარიშსწორება განხორციელდება მიმწოდებლის მხრიდან წინამდებარე ხელშეკრულებით გათვალისწინებული ვალდებულებების შესრულებიდან (შესყიდვის ობიექტის მიღება-ჩაბარებიდან) 20 კალენდარული დღის განმავლობაში.

7.4. დაფინანსების წყარო: ადგილობრივი თვითმმართველი ერთეულის ბიუჯეტი.

8. ხელშეკრულების პირობების გადასინჯვის შესაძლებლობა

8.1 არავითარი ცვლილებები ან გადახრა ხელშეკრულებაში არ დაიშვება ორივე მხარის მიერ ხელმოწერილი წერილობითი შესწორებების გარდა. ნებისმიერი ცვლილება, რომელსაც მოყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398 – ე მუხლით გათვალისწინებული შემთხვევებისა. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩათვლება ხელშეკრულების განუყოფელ ნაწილად.

8.2 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვა სუბიექტს მოცემული ხელშეკრულებით გათვალისწინებული თავისი ვალდებულებები.

8.3 ხელშეკრულების შესრულების პროცესში რაიმე ხელის შემშლელი გარემოებების წარმოშობისას მხარეებმა ურთიერთობა უნდა მოაგვარონ წერილობითი შეტყობინების გზით.

9. მხარეთა პასუხისმგებლობა ხელშეკრულების დარღვევისას

9.1 მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2 ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის, ასევე მომსახურების გაწევის წესების დარღვევისთვის მიმწოდებელს დაეკისრება პირგასამტეხლოს გადახდა, – ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით. მომსახურების გაწევის წესების დარღვევისთვის, მიმწოდებლისათვის პირგასამტეხლოს დარიცხვა დაიწყება შემსყიდველის მიერ ხარვეზის აღმოფხვრისათვის მიცემული გონივრული ვადის გასვლიდან ხარვეზების აღმოფხვრამდე.

9.3 ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიაღება მეორე მხარის მიერ ხელშეკრულებით ნაკისრი ვალდებულებების შეუსრულებლობით საქართველოს სამოქალაქო კოდექსის შესაბამისად.

9.4 ხელშეკრულების შეწყვეტა მისი პირობების შეუსრულებლობის გამო.

შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლის მიერ ვალდებულებების შეუსრულებლობის გამო, მიმწოდებლისათვის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი მომსახურება ან მისი ნაწილი.

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

ამ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

10. ფორს-მაჟორი

10.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ მისი ვალდებულებების შეუსრულებლობა არის

ფორს-მაჟორული გარემოებების შედეგი.

10.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებათა მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში იმ მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების დადგომის და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრ ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11. ხელშეკრულების მოქმედების ვადა

11.1 მოცემული ხელშეკრულება ძალაშია გაფორმებიდან 2016 წლის 31 იანვრის ჩათვლით.

12. სხვა პირობები

12.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან.

12.2 მხარეთა შორის სადაო საკითხები წყდება მხარეთა მოლაპარაკების გზით. შეთანხმების მიუღწევლობის შემთხვევაში საკითხს განიხილავს სასამართლო.

12.3 „შემსყიდველი“ უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში.

12.4 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა. ხელშეკრულების 2 (ორი) ეგზემპლარი ინახება „შემსყიდველთან“, 1 (ერთი) ეგზემპლარი „მიმწოდებელთან“.

13. მხარეთა რეკვიზიტები

„შემსყიდველი“	„მიმწოდებელი“
სსიპ „ტექნოლოგიური განვითარების ფონდი“ მის: ქ. თბილისი, კოსტავას 33ა ს.ს. „ლიბერთი ბანკი“ კოდი: LBRTGE22 ა/ა № GE63LB0121131932514000 ს/კოდი: 205298211 ს.ს.ი.პ „ტექნოლოგიური განვითარების ფონდი“-ს უფროსის მოვალეობის შემსრულებელი კახაბერ გვანცელაძე -----	

პრეტენდენტის შეთავაზება

1	პრეტენდენტის იურიდიული ფორმა და დასახელება:	
	ხელმძღვანელის თანამდებობა, სახელი და გვარი:	
	პრეტენდენტის იურიდიული ან/და ფაქტიური მისამართი:	
	საიდენტიფიკაციო კოდი:	
	პრეტენდენტის ტელეფონის ნომერი:	
	ელექტრონული მისამართი	
	ბანკი:	
	ბანკის კოდი:	
	ანგარიშის ნომერი:	
2	სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:	
3	ტექნიკური დავალების 2.1, 2.2, 2.3, 2.4 და 2.5 პუნქტებზე თანხმობა	

ხელმოწერა და ბეჭედი (არსებობის შემთხვევაში) -----

**თუ პრეტენდენტი ფიზიკური პირია უნდა მიეთითოს პირადობის მოწმობის ან პასპორტის მიხედვით პირადი ნომერი.*

ფასების ცხრილი

პრეტენდენტის დასახელება _____

№	ავტომანქანის დასახელება	სახ. ნომერი	ავტომანქანის ტიპი	რეცხვის რაოდენობა წლის განმავლობაში	ერთეულის ფასი	საერთო ფასი
1	HYUNDAI IX35	HGH 088	ჯიპი	72		
2	HYUNDAI IX35	HGH 099	ჯიპი	72		
3	HYUNDAI IX35	HGH 044	ჯიპი	72		
4	MITSUBISHI L200	PYZ 848	ჯიპი	72		
5	KIA RIO	AH 233 HA	სედანი	60		
6	KIA RIO	AH 110 HA	სედანი	60		
7	KIA PICANTO	AH 264 HA	სედანი	60		
8	KIA PICANTO	AH 265 HA	სედანი	60		
9	HYUNDAI GETS	MAX 552	სედანი	60		
	ჯამი					

ხელმოწერა და ბეჭედი (არსებობის შემთხვევაში) -----

პრეტენდენტის დასახელება _____

ექსპლუატაციაში მყოფი ავტოსამრეცხაოების მისამართები

№	მისამართები	საკადასტრო კოდი

ხელმოწერა და ბეჭედი (არსებობის შემთხვევაში) -----